


Du Proces pendant pardeuant vous Nosseigneurs tenant le grād conseil: Entre frere Bry Collier Religieux profex del'Abbaye de Marmoutier, & Prieur du prieuré saint Georges de Bazinville, demandeur & compleignant.

Contre frere Jacques le Page aussi religieux, deffendeur en ladicte complaincte.



E seul & principal point de ce procès est, assavoir si le benefice contentieux a vacqué par la mort de Vignau resignataire, ou si tout le droit d'iceluy benefice estant demeuré a Bruneau resignant, il a peu faire vne secōde resignation en faueur du Page.

C'esté vne question fort diuersement traitée entre les docteurs, *si in resignationibus in fauorem*, en vertu de la cause ordinaire, *non aliter, alias nec alio modo*. Il estoit necessaire que celuy en faueur de qui la resignation estoit faite declarast expressement qu'il n'auoit pour agreable ceste resignation, ou s'il suffisoit seulement qu'il ne l'eust point acceptée, sans en faire aultre declaration pour pouuoir faire que le droit du benefice demeurast vers le resignant.

Et comme ceste question a esté diuersement agitée, aussi sont tous les Docteurs demeurés d'accord, que si le resignataire a eu pour agreable la resignatiō, s'il l'a acceptée, & n'a fait aucun acte de declaratiō contraire, le benefice doit vacquer par son deceds, & que le resignant n'y peult rentrer, *sine noua collatione*. Et c'est l'opinion de du Molin sur la regle de public. num. 249. & de Pius que ~~Collige~~ allegue luy mesmes sur la mesme regle.

Tous les docteurs sont encor d'accord que, *duplex est acceptatio, altera tacita, altera expressa*, & encor que *altera potest fieri ante collationem, altera post collationem*: & que chacune de ses acceptations a tel effect, que si, apres les prouisions admises, le resignataire vient a deceder, *vacat beneficium per obitum resignatarij*.

A

x. le Page





2

Et du Moulin sur la mesme reigle de *pub. num. 249*. pour mon-  
strer que c'est que *tacita acceptatio*, dit que c'est si *Resignatarius*  
*cum Trapezita pactus fuerit, si procuratorium Trapezita tradiderit,*  
*mandatum dederit ut prouisiones expedirentur.*

Ce qui est dōc décisif en ce proces, est de sçauoir si on pour-  
ra induire vne de ces acceptations par les particularitez qui  
se remarquer en la persōne, & par les actes dudit feu Vignau.

Or il se trouuera que ledi<sup>t</sup> Vignau a fait tous les actes qui  
se peuent faire d'acceptation, *ante collationem*, & que *ratam*  
*habuit prouisionem sibi factam*, qui est ce que tous les Docteurs  
appellent *acceptationem beneficij*, sur le chapitre, *Si tibi absentis*,  
de *Præb. in 6*. Et premierement *constat scripto*, & par le *traditum*  
du notaire inseré au pied de la procuration qui fut passée en  
sa faueur, que le iour mesme, & deuant les mesmes tesmoins,  
ledi<sup>t</sup> Vignau a demandé ladi<sup>te</sup> procuration, se veoit qu'elle  
luy a esté baillée & deliurée, se veoit par les prouisiōs qui s'en  
sont ensuiues qu'il a baillé ladite procuration à vn banquier,  
& a pouruiue tellemēt son expedition, que dès le lēdemain  
que les deffenses de se pourueoir en court de Rome furent le-  
uées, qui fut au mois de May, 1596. il y enuoya ladi<sup>te</sup> procu-  
ration, qui y fut admise, dès le douzième iour de Iuillet en-  
suiuant, comme il apert par le *sumptum* de la signature pro-  
duicte par ledi<sup>t</sup> Collier sous la cote G, enquoy il est aisé à  
voir qu'il ne se pouuoit pas faire vne plus grande diligence.

Par tous ces actes si souuent reiterés il se veoit clairement  
que Vignau a fait tout ce qui luy estoit possible, pour tes-  
moigner qu'il auoit agreable, la resignation qui luy auoit  
esté faite du benefice contentieux, & à fait tout ce qui se  
pouuoit faire *ante collationem*: & s'il n'a fait vne plus expresse  
declaration de sa volonté *post collationem*, il suffit que *per eum*  
*non steterit*, suyuant la gl. de la Clementine *si plures, in verbo*  
*adepta, de præb.* Or il se veoit par le proces, & par le *Missa* qui  
est au dos de ladi<sup>te</sup> signature, qu'elle ne fut leuée que le  
neufiesme iour d'Aoust, vn mois apres qu'elle auoit esté ex-  
pediée. Et par l'acte du chapitre de ladi<sup>te</sup> Abbaie de Mar-  
montier rapporté par ledi<sup>t</sup> Collier sous la cote dernière,  
il se veoit comme ledi<sup>t</sup> Vignau mourut le vingt deuxies-



me iour d'Octobre ensuiuant, & que par ce moyen il n'a peu prendre possession dudit benefice, puisque à peine lesdictes prouisions pouuoient estre venues, & il est bien croyable, & la qualité de la personne & du benefice donne assez de presumption, que ledict Vignau sans son deceds n'eust pas esté moins diligent à la prise de possession, qu'il auoit esté aspre à la poursuite, suyuant le chapitre *super hoc, de renunt. apud Greg.*

C'est vne des questions & la principale qui a esté iugée en l'arrest de Bouchetel par lequel, d'autant que le nepueu resignataire estoit seulement porteur de la resignation qui luy auoit esté faicte par son oncle, ce ne fut pas assez qu'il dit que *non acceptauerat*, mais il fallut qu'il dist que *acceptare nolebat*, & ainsi le remarquent du Molin sur la reigle *de public. num. 245.* Rebuffe sur la mesme reigle gl. 18. *num. 30, & Ruffignac. lib. 3. Tit. 14. de resignat. benef. eiurat.* Pour monstrer que lors qu'il y a le moindre soupçon que le resignataire ayt eu agreable vne resignation faicte en sa faueur, il faut, afin que le droit du benefice demeure vers son resignant, qu'il y ayt vne declaration expresse dudit resignataire, par laquelle il refuse ladicte resignation. Autrement est *presumptio pro resignatione, & beneficium vacat, per mortem resignatarij.*

Or est il qu'en ce faict icy il y a bien des preuues, & des presumptions beaucoup plus violentes, puis qu'il se veoit & se preuue clairement, que Vignau a demandé la procuration, l'a retirée, l'a baillée au banquier, a faict expedier les prouisions, qui sont tous actes si expres qui meriteroient bien vne expresse declaration, pour monstrer & faire accroire qu'après auoir si viuement poursuivy ses expeditiōs il ne s'en fust pas voulu seruir. Ce que, si le Page ne monstre, il n'y a point de difficulté que ledict Vignau, ayant accepté la resignation entant qu'il pouuoit, n'ait esté titulaire du benefice, & par consequent que ledict benefice n'ait vacqué par sa mort.

Partant conclud ledit Collier, a fin de pleine maintenue avec restitution de fruiets, despens, dommages, & interets.

